


Jenexi 3



Mame typyty tosehpase eya
Ewame emero ahno ěme
toehse aexiryke.




1

Morarama okoi tuarohxo kynexine,
imehnō onokyro tō motye,
onekunohtōme kynexine. Tōturupose
ynororo nohpo a: — Ajohpe pyra
“Tupito pō wewe epery osenahno,”
naseh oya Ritonōpo?




2

— Ÿ, wewe tō
epery enahnōko
ynanase emero repe,
tykase, tozuhse nohpo
a. — Tupito rānaō epery rokē onenahpyra
ynanase. Moro epery rokē: “Osenahdou,
anapoipyra ehtoko oorikyrykōino,” nase
Ritonōpo yna a, tykase.




3

— Ajohpe! tykase
okoi eya. — Orihpyra
mase. Morara tykase
Ritonōpo zuaro toexiryke,
moro wewe epery enapyryhtao oya xine
tuaro exīko matose Ritonōpo ehtoh samo,
kure ehtoh waro exīko matose, popyra
ehtoh waro exīko roropa
matose, tykase.




4

Mame moro wewe kure tonese nohpo
a, epery roropa kure potu tonese eya,
tonahsēme. Tōsenetupuhse ynororo:
“Kure exiry emero zuaro toehse
jahtao,” tykase ynororo tyya rokene.
Naeroro moro wewe
epery tapoise eya,
tonahse roropa
eya; tokarose eya
tynio a, tonahse
eya roropa.



5

Morara ahtao enurukō
tātapuruhmakase. Iirypyryme
toehtohkō poko tuarōtase toto.
Ihxiptyke toehse toto, tymetyke pyra
toexirykōke. Naeroro ituary ke
toemetyhtose toto
ihxiptyke
toexirykōke.



6

Yrome
orutua
tykohmase Ritonōpo a ekaropotohme: — Otokoh
ma? Ynara tykase orutua: — Ōmiry etā osemazuhme
oytoryhtao anarykatyā poro, yrome enaromŷke akene,
tupoke pyra jexiryke. Naeroro otonēno, tykase.
— Onoky poe tupoke pyra oehtoh waro mexino?
Enahpŷ epery menahno? tykase Ritonōpo eya.




7

Ynara tykase orutua: — Mose nohpo
onekarohpyry ya ypytyme, mose ro a epery
tonahpose ya, mame enahno rahkene.
Mame Ritonōpo tōturupose nohpo a:
— Oty katoth morara myrino?
tykase. — Okoi jenekunohno, tykase
nohpo, — morara exiryke
enahno, tykase.




8



Naeroro Etē poe, tupito kurā poe
orutua tonyohse Ritonōpo a ipyty
maro osa menekatohme eya
itu htao tutupime, nono poko
aerohtohme, nono
risēme aexiryke.

9



Morotoino orutua taropose
Ritonōpo a.

Mame osema tao xixi tūtatoh wino kerupī
tō tyrise eya typyreke, tytapemake
apoto sā exikety ke. Eraseme
toto ehtohme mokaro tyrise
omōpyra ropa ahno ehtohme,
moro wewe, jūme
isene tyripotoh
pūtokoxti.

10

Moraramē typyty Ewa maro toehse Atāo, poetoēme
toehse ipyty. Mame toemūkuase orutuame, ynara
tykase ynororo: — Takorehmase Ritonōpo a jexiryke
toemūkuase ywy, tykase. Tumūkuru tosehpase
eya Kaīme. Imēipo toemūkuase ropa


Apeume, Kaī akorony.

Apeu toerohse
kaneru tō poko,
Kaī kynexine
tupito poko
erohketyme.




11

Moromeīpo tŷkyryry tapoise Kaī a jahkatohme
tynekaroryme Ritonōpo a. Apeu a toky poenō
osemazuhme aenuruhpyry tapoise,
kaneru pitiko totapase eya, ipū kurā
tyahkase eya tynekaroryme
Ritonōpo a.



12

Ritonōpo zamaro Apeu kynexine, inekarohpyry
roropa, yrome Ritonōpo zamaro pyra Kaī kynexine,
inekarohpyry se pyra kynexine. Mame
Kaī tyekītapāse, tohne toehse
ynororo ipunaka.



13

Mame ynara tykase Kaī takorō Apeu a: — Eropa tupito
pona. Toeporehkase tahtao xine tupito pona, takorō
totapase eya. Toorihse Apeu.



14

Mame Ritonõpo tõturupose Kaĩ a: — Otoko ākorõ Apeu nae? tykase. — Zuaro pyra ase, tykase Kaĩ, — jakorõ eraseme tokoh a? tykase. Mame toytose Kaĩ Ritonõpo winoino imepỹ pona osesarise. “Ytoytotoh” pona toytose ynororo Etẽ poe xixi tũtatoh winakoxi.




15

Mame Ewa maro toemũkuase ropa Atão. Ynara tykase Ewa: — Imepỹ umũkuru tokarose Ritonõpo a ya, Apeu myakãme, totapase exiryke Kaĩ a. Tosehpase ynororo eya Seteme.



16

Moromeĩpo 800me jeimamyry taropose Atão a. Toemũkuase ropa imehnõ mũkuru tomo, ěxiry tõ roropa. Mame toorihse ynororo 930me jeimamyry taropose ahtao.



17

Mame popyra ahno ehtoh eneryke tyya, popyra rokẽ aosenetupuhtohkõ eneryke roropa tyya,



18

Toemynyhmase ynororo, ynara tykase: — Mokaro enahkapõko ase, nono põkomo, ynyrytã emero, ahno te, onokyro tõkehko te, torõ tomo te nono poro ytoytoketomo. Yzamaro pyra ynyrytã toehse, tykase.



19

Yrome Noe nyryry Ritonõpo zamaro kynexine. Sero nase Noe ehtopõpyry poko. Toemũkuase ynororo oseruao: Sem te, Kam te, Jape, enara.



20

Ritonõpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme.

2

60

21

Romanos 3:23 Kymarokō emero tyrypyhpyke. Osepune pyra sytatose, Ritonõpo kure exiry maro.

Romanos 6:23 Ynara exiryke, kyyrypyrykō ehepyryme orihnōko sytatose. Yrome Ritonõpo nekarohpyry ke orihpyra sytatose jūme. Jezu Kyrixtu Kuesēkō marōme exiko sytatose, toorihse exiryke kymyakākōme.

Epereu 9:27 Toipe sytatose. Emero porehme orihnōko sytatose toiro. Moromeipo kuapiakatorỹko Ritonõpo mana.

22

Epezu 2:8,9 Naeroro tamoreme opyno xine Ritonõpo toexiryke typynanohse matose. Okurākatorỹko roropa mana kure oexirykō pokoino pyra. Jezu enetuputyryke rokē oya xine okurākatorỹko mana. Topehke pyra, tynekarory kurā sā, Tumūkuru tonehpose aorihthohme, okurākatohkōme. Naeroro epyrypasaromepyra matose Ritonõpo poenōme oexirykō poko. Kure oexirykō pokoino pyra tukurākase matose Ritonõpo a.

Romanos 10:9,10 Jezu orihxipo tōsemākapose ropa Ritonõpo a. Moro enetuputyryhtao oya xine imehnō zurūko matose: “Jezu Jesēme mana,” āko matose imehno a. Morara awahtao xine opynanohtorỹko Ritonõpo mana. Ynara exiryke, kukurohtao xine enetuputyryhtao kyaa xine kukurākatorỹko Ritonõpo mana. “Zae mase ya,” āko mana kyaa xine. “Jezu Jesēme mana,” karyhtao kyaa xine kypynanohtorỹko Ritonõpo mana.

23

João 3:16,17 Ritonõpo sero nono pōkō pyno ipunaka. Morara exiryke Tumūkuru toirō tonehpose eya, emero porehme enetupuhtohme tosēkōme, orihpyra ehtohme, jūme imaro ehtohme. Sero pōkō pynanohse Tumūkuru tonehpose Ritonõpo a, toto onuānohpyra aehtohme.

1 João 5:11-13 Ynara Ritonõpo nekarohpyry sero. Orihpyra kyritorỹko Ritonõpo mana Tumūkuru enetuputyryke kyaa xine. Ritonõpo mūkuru maro exiketō orihpyra mā toto. Yrome Ritonõpo mūkuru maro pyra exiketō orihketōme toto. Onenerykōme pape merōko ase orihpỹme oehtohkō waro oehtohkōme, Jezu Ritonõpo mūkuru enetuputyryke oya xine.

24

Jenexi 3 – 6

Storyline by: Edward D. Hughes

Illustrated by: Byron Unger, Lazarus and Alastair Paterson

Adapted by: M. Maillot; Tammy S.

Apalaí Bible (apy) ©2017, Wycliffe Bible Translators, Inc.

<https://www.bible.com/bible/865/MAT.1>

25